

Комсомононь Вайгяль

ЛИСЕНДИ VI-це КИЗОСЬ

ВЛКСМ-нь Мордовский
обкомть и Саранскяень
горкомть газетасна

Адресь: г. Саранск, ул. Ленина 11,
телефон № 1-72.

ФЕВРАЛЬТЬ
1-це шистонза
1938 КИЗОНЯ
13 (529)

Лисенди конти 12-кетъ.



СССР-нь Правительствась—СССР-нь Народнай Комиссаронь Советсь

Кержи ширеса—СССР-нь Народнай Комиссаронь Советсь Председателец В. М. Молотов. Вяре васенце рядса (кержи ширеде види шири): СССР-нь Народнай Комиссаронь Советсь Председателенц Заместителенца—В. Я. Чубарь, А. И. Микоян, Народнай Комиссаронь Советсь Председателенц Заместителец и Советский Контролень Комиссиять Председателец С. В. Косиор. СССР-нь Госпланонь Председательсь Н. А. Вознесенский. Иностраннай Тевонь Народнай Комиссарсь М. М. Литвинов.

Омбоце рядса (кержи ширеде види ширеса): Внутренний Тевонь Народнай Комиссарсь Н. И. Ежов, Оборонань Народнай Комиссарсь К. Е. Ворошилов, Военно-Морской Флотонь Народнай Комиссарсь П. А. Смирнов, Тяжелай Промышленностень Народнай Комиссарсь Л. М. Каганович, Машиностроениянь Народнай Комиссарсь А. Д. Брускин.

СССР-нь Правительствать Образовандаманц Колга В. М. Молотов Ялгать Речец

СОЮЗОНЬ СОВЕТЬ И НАЦИОНАЛЬНОСТЕНЬ СОВЕТЬ МАРСТОНЬ ЗАСЕДАНИЯСОСТ 1938-це
КИЗОНЬ ЯНВАРЬ 19-це ШИСТОНЗА

(Мзярда председательствующийсь максси вал Молотов ялгати, залса сембе присутствующийхне стьякшихть, бурнайста аплодировандайхть. Аплодисментне йотнихть овациянди, овациясь моли несколько минутат. Васттень эзда марявихть вайгяльхть: „Сталин ялгать маластонь соратниконцы — Молотов ялгати— ура!“. Бурнай аплодисментт, „Ура“ вайгяльхть).

Депутат ялгат! Верховнай Советсь поручил теень представить кемокстамс Народнай Комиссаронь Советсь составонц. Тя эсь решениянц эса Верховнай Советсь мярьгсь лувомс критический замечаниятнень, конатнень азозь депутатне правительствать образовандаманц колга прениятнень молемста. Содаф, тянь эзда и кармайхть лисендема монь предложениане.

Народнай Комиссаронь Советсь составонцы йотамда ийголе теень сави лоткамс сят критический замечаниятнень, конатнень тяся азондозь Жданов, Багиров и Косиор депутатне. Няг, ялгатне эсь речьсон эса лоткасть кой-кона наркоматтнень работасон лангс, и мон должан азомс, што синь критический замечаниясон мархта Народнай Комиссаронь Советсь марнек согласен.

Ушодан Иностраннай Тевонь Народнай Комиссариатть работанц кой-кона ширензон колга кизефксть

эзда. Мезть лангс тяся ульсь няфтьф? Жданов ялгась азозе, што Верховнай Советсь и сон, кода Ленинградть трудяшензон представителец, марнек поддерживают внешный политикать, конанц йотафнесы советский правительствась, конанц тейнек обеспечиндакшни мир, конанц сатфкс мархта аралакшнесы и практически йотафнесы эряфс Иностраннай Тевонь Народнай Комиссариатсь. Но сон няфтсь и кой-кона моменттнень лангс, конатнень аш кода аф лувомс теневой ширексть областсьа.

Вов, кепотксонди сявомс, кизефксь Советский Союза иностраннай консулхнень колга.

Эряви азомс, што тя кизефксть мархта кода эряви минь ашеми занимакшнесы мекольден пингть самс. Тяка йоткть, тя кизефксь заслуживает внимания и, ковшна, васендакигя Наркоминделть внимания. Афкукс, Советский Союза оказались вельф лама иностраннай консульствада кой-кона государстватнень ширеде, конат мезьсонга не заслужили особой положения и преимуществ лия государстватнень коряс. Кой-кона иностраннай государстватне, тяконь лувксса сятнень эзда, конатнень коданга аш кода лувомс дружественнайкс Советский Союзи, кирьдсть ня консульствада сяда лама, чем Советский Союзсь кирьдсь сят государстватнень эса. Кизефневи, тя кодама основаниясь?

Правильна и ся, што кой-кона иностраннай консулхне минь странасонк занимакшнесы непозволительнай тевса, занимакшнесы шпионский и вредительский характеронь враждебнай антисоветский тевса. Сяда тов тя положения безусловна кирьдемс аш кода.

Тя кизефксти полный ясностень тиёматинкса мон должан азомс, што тянь колга кой-кода мерат примафт ни. Сьолкфт японский кафта консульстватне, Новосибирскийяса и Одессаса. Станяжа сьолкфт польский кафта консульстватне, Харьковса и Тбилисиса. Сьолкфт германский вете консульстватне: Ленинградса, Харьковса, Одессаса, Тбилисиса и Владивостокса. Тя ульсь ни тийф январь 15-це шинц самс. Эрявихть сьолгомс и кой-кона лия консульстватневок. Эрявихть сьолгомс Италиянь, Иранонь, Турциянь, Афганистанонь, Латвиянь и лия странань кой-кона консульстватне.

Иностраннай консульстватнень колга Жданов ялгать замечаниязон, конатнень дружнайста поддержал марнек Верховнай Советсь, Народнай Комиссаронь Советсь учтет педа-пес и йотафтсыне тянь колга сембе надлежащай мератнень инь маластонь пингть. (Аплодисментт).

Тяся ульсь тийфть тяфтажа замечаният кафта государстватнень—Япониять и Франциять йоткса

минь взаимоотношенияньконь колга.

Васендакигя, Япониять йоткса минь взаимоотношенияньконь колга и японский правительствать кой-кона бесцеремоннай агентонзон поведениасон и аф безизвестнай, но действительна марionеточнай Манчжоу-Готь колга.

Тинь содасасть, ялгат, што советский правительствати сашондовсь аф весть тиендемс протест японский и манчжурский власттнень ширеде кой-кона недопустимай действиясон каршос. Советский Союза кивок возмущенияфтома не может ваюмс японо-манчжурский власттнень ширеде бесцеремоннай приемтнень лангс, конатнень синь применякшнесазь, например, тияи Дальний Востокса гражданский авиациять фкя почтовой самолетонц колга, конанц эрьгодсь ки лангса и случайна валгсь Манчжоу-Готь территорияс. Ся пингть эзда йотась целай ков, декабрь 19-це шистонза, ульсь тя фактсь, минь самолетоньконь фатяманц колга фактсь, советский кафта ломаттнень—летчикть и сонь помощниконц фатямасон колга—и лама почтовой корреспонденциятнень фатямасон колга, конат ульсь тя самолетса. Но и тияниень пингти самс тейнек тянь колга аш кодамовок сообщеният японский правительствать ширеде,

(Полатксоц 2-це страницаса)

СССР-нь ПРАВИТЕЛЬСТВАТЬ ОБРАЗОВАНАМАНЦ КОЛГА В. М. МОЛОТОВ ЯЛГАТЬ РЕЧЕЦ

(Полатксоц. Ушотксоц 1-це страницаса)

афваномок Токиоса и Манчжоу-Го-са неоднократнай запросень лангс.

Советский правительствась вынужденнай ульсь январь 16-це шистонза кучем японский правительствати японо-манчжурский власттень недопустимай и незаконной действияснон каршос протестонь нота. Тя нотаса минь категорически настаивали, штоба кирьдф советский граждатне улелхть нолдафт инь маластонь пингть и улелхть мрдафтфт самолетсь и почтась, тиендемок предупреждения японский правительствати сян колга, штоба соч не вынудил минь арамс ответнай репрессалиянь кить лангс. Минь рассчитываем, што маштама педа-пес обеспечить Советский Союзть интересонзон иностранной государстватень тяфтама и всякай лия бесцеремонной действияснон каршос. Минь можем заверить тинь, ялгат, сян колга, што сембе ня мератнень, конат вешевихть минь ширьденк, минь действительна йотафт-саськ. (Ламос моли аплодисментт).

Несколько вал Франциять мархта минь взаимоотношенияньконь колга. Тага-таки, аш кода аф признавандамс Жданов ялгать замечаниязон основательностьснон. Виде, тиньень пингть самс, афваномок Советский Союзть мархта французский республикать йоткса дружественной отношениатнень лангс, Франциять территорияса мушондыхть эстиест приют тяфтама авантюристне и тяфтама преступнай организациятне, конат ашихть аф илякс мезькска, кода куень пизокс террористтнеди и диверсаттнеди, конат открыта занимадайхть синьцен враждебнай антисоветский тевснон мархта французский власттень сельме инголе и покровительстваснон ала. Конешна, тинь нельзя оправдать иностранецнеди убежищань правать мархта. Кизефневи, кинди эриви русский и аф русский буржуанай происхождениянь всякай родонь преступниконь поощрени-ясь, конат занимадайхть

французский территорияса антисоветский террористический тевса и открыта аноклакшнесазь эсь преступнай тевснон советский деятельнень каршос, советский оргаттнень каршос? Мес ня господатнень тяфта шнакшнесазь Францияса, и кода тя соответствует дружественной советско-французский пактти? Тя кизефксть мархта безусловна сави заняться минь Иностранной Тевонь Народнай Комиссариатоньконди.

Верховнай Советсь ашезе лув возможнаенди йотамс нят возмужительнай и Советский Союзть каршос направленной фактнень вакска. Аш кода аф согласиндамс сян мархта, што сонь ульсь тинди полной основанияц. Совнаркомсь лувсьне Верховнай Советть Сессияса тийф замечаниятнень тя кизефксть коряс и максы соответствующай указанийт Наркоминдел-ти.

Тяса ульсь затронутайхть станя жа и кизефксне, конат относятся народнай лия комиссариаттнень работаснонды.

Жданов ялгась отметил афсатксьне Воднай Транспортонь Народнай Комиссариатть работаса. Афкукс, пингта йотась аф кржа сянкса, штоба Наркомводсь прималь мерат и токаль вастстонза мельть эзда, коза сон озась нингя манань мелководнай кизоня. Коданя Совнаркомсь ашезе лезне Воднай Транспортонь Народнай Комиссариатти валгомс тя мельть ланкста, мзярс тейнек тя ашезсатов. Наркомводть руководствась раскачивается пяк-ни саворня и мзярс аф обеспечивандакшнесы работаса эривикс цебарьгафтомать. Лятфтасась Наркомводта ялгатнеди, што курок ушоды од навигациясь, сон ушоды кафтошка-колмошка ковда меле. Тя ули мекольден испытаниясь Наркомводонь тиньень руководителхнеди. Нингя аф позна, штоба Пахомов ялгась, воднай транспортонь наркомсь, петелезе положенияць,

ушодольхце кода эриви судань петемать, вишконтель решительнай тюрема авариятнень каршос, кода эриви кундаль воднай транспортть убыточностенц машфтоманцты, а главнайсь—воднай транспортонь кадратнень кочкамаснонды и воспитанияснонды. Наркомводть руководствась тяса получаць серьезнай предупреждения, и кда сон курокоя аф петьсь эсь работанц, сон должен пеняндамс эсь лангозонза. Водник ялгатне, конатнень йоткса аф кржа цебарь работникта и настоящей стахаювецта, должны няфтемс эсь машфтомаснон петнемс афсатксьне и 1938-це кизоня должны станя кеподемс эсь работаснон, кода тя полагается передовой транспортникнеди и социализмань настоящей строительхнеди.

Сяда резкайста тяса ульсь подчеркнутайхть колма общесоюзной оргаттнень афсатксьсна, а именна: Наркомюсть, Заготовкань Комитетть и Искусствань Комитетть.

Аш кода аф лувомс йофси об'ективнаенди Багиров ялгать реченц. Крыленко ялгать, Юстициянь наркомть колга сон азозень аф аныцек афсатксьне, но и положительнай ширетненьгя, мзярда сон корхтась альпинизмать, туризмать и шахматнай тевть колга. (Залса рахама). Но сян эса и ащи тевсья, што ульсь азфт Юстициянь наркомть положительнай ширенза, но йофси аф Наркомюсть работанц эса... А тейнек эриви, штоба Наркомюсть работаль кода образцовай советский наркомат, конанц лангс минь Конституцияньке путсь од громаднай задачат, мезьть, к сожалению, ашезе шарьхкоде Крыленко ялгась. Очевидна, тя сави лувомс Народнай Комиссархень Советснон составонц кемокамста.

Сяда меле—Наркомзагть работанц колга, кода созданнай Заготовкань Комитетть эзда. Правильна азозе Косиор ялгась, што путомок руководителкс Заготовкань Комитетти Кольцов ялгать, конанц

ули аф йомла местнай опытоц, минь рассчитывали сянди, што Заготовкань Комитетть тевонза сяда цебарьгадыхть. Тяка йотктъ, од руководителсь нльня ашезе шарьхкодъ эсь обязанностенц ароптомс Заготовкань Комитетть органонзон тоза яцеф вредителхнень и всякай дрянть эзда. Сон ашезе няфте кодамовок вкус тя тевса, ашезе няфте эсь принц большевикокс работаса. Сяс Народнай Комиссаронь Советть составонц кемокамста сави считаться и тя факттка мархта.

Мекпяли, Искусствань Комитетть колга. Сонь колганза корхтась кафта выступавшай депутатт. Кафцке депутаттне критически корхтась Искусствань Комитетть руководстванц колга, но мон ба мярголень, што синь критический замечаниясна ульсь минимальнакс. Искусствань Комитетть руководстванц мархта тевсь минь йофсикс аф благополучнай. Мзярксть минь ни пытались лездомс тиньень руководителти —Керженцев ялгати петемс тевть, сон сонцъ настоящей инициатива и эсь обязанностензон эса шарьхкодема ашезе няфне. Значит, эриви учесть Народнай Комиссаронь Советть од составонц кемокамста и тя обстоятельствосякя.

Вов, ялгат, ня замечаниятне, конатнень мон должен улень тиес, прежде чем йотамс Народнай Комиссаронь Советть составонц оглашенияцты.

Тяни мярьгода йотамс Правительствать составонцты.

Мон аф лотксян Народнай Комиссаронь Советть Председателенц колга кизефксти, а йотан Совнаркомть Председателенц Заместителензонды.

Тяниень пингть Народнай Комиссаронь Советть Председателенц кафта Заместителенза, конат тяка пингть ашихть Народнай Комиссаркс. Народнай Комиссаронь Советть сяда товоддонь работанзон интереса, а Совнаркомть ра-

(Полатксоц 3-це страницаса)



СССР-нь Правительствась—СССР-нь Народнай Комиссаронь Советсь

Васенце рядса вьре (кержи ширьде види шири): Обороннай промышленностень Народнай Комиссарсь М. М. Каганович, Пищевой промышленностень Народнай Комиссарсь А. Л. Гилинский, Легкай промышленностень Народнай Комиссарсь В. И. Шестаков, Лесной промышленностень Народнай Комиссарсь М. И. Рыжов, Путень сообщениянь Народнай Комиссарсь А. В. Бакулин, Воднай Транспортонь Народнай Комиссарсь Н. И. Пахомов, Связень Народнай Комиссарсь М. Д. Берман, Земледелиянь Народнай Комиссарсь Р. И. Эйхе, Зерновой и животноводческой совхозонь Народнай Комиссарсь Т. А. Юркин.

Омбоце рядса (кержи ширьде види шири): Заготовкань Народнай Комиссарсь М. В. Попов, Финансонь Народнай Комиссарсь А. Г. Зверев, Торговлянь Народнай Комиссарсь М. П. Смирнов, Внешний Торговлянь Народнай Комиссарсь Е. Д. Чвялев, Юстициянь Народнай Комиссарсь Н. М. Рычков, Здравоохранениянь Народнай Комиссарсь М. Ф. Болдырев, Государственной банконь Правлениат Председателец А. П. Гричманов, Высшай школань тевса Комитетть председателец С. В. Кафтанов, Искусствань тевса Комитетть Председателец А. И. Назаров.

СССР-нь ПРАВИТЕЛЬСТВАТЬ ОБРАЗОВАНАМАНЦ КОЛГА В. М. МОЛОТОВ ЯЛГАТЬ РЕЧЕЦ

(Полатксоц. Ушотксоц 1, 2-це стр.)

ботадонза тьяни сяда лама!—Мон эняльдянь сян колга, штоба Совнаркомъ Председателенц Заместителенца улелхть освобожденнайхть наркоматский посттень эзда и марнек улелхть заняфт Народнай Комиссаронь Советъ работанц мархта.

Тянь коряс, тиендянь тяфтама предложения:

Кемокстамс Народнай Комиссаронь Советъ Председателенцы Заместителькс Влас Яковлевич Чубарьт (Бурнай аплодисментт), освободинамс сонъ Финансонъ Народнай Комиссаронь обязанносттень эзда.

Тиендянь, сяда тов, предложения —кемокстамс Народнай Комиссаронь Советъ Председателенцы нингя фкя Заместителькс Анастас Иванович Микоянтъ (бурнай аплодисментт), освободинамс сонъ Пищевой Промышленностень Народнай Комиссаронь обязанносттень эзда.

Тиендянь тяфтама предложения —кемокстамс Народнай Комиссаронь Советъ Председателенцы нингя фкя Заместитель, назначендамок сонъ и Советский Контроленъ Комиссиянь Председателькс—Станислав Викентьевич Косиорът. (Бурнай аплодисментт).

Эняльдянь кемокстамс Государственной Плановой Комиссиянь Председателькс Николай Алексеевич Вознесенскийт. (Аплодисментт).

Иностраннай Тевонъ Народнай Комиссаркс—Максим Максимович Литвиновът. (Аплодисментт).

Внутренней Тевонъ Народнай Комиссаркс—Николай Иванович Ежовът. (Ламос моли аплодисментт).

Оборонанъ Народнай Комиссаркс—Климент Ефремович Ворошиловът. (Бурнай, ламос моли аплодисментт, сембе стяхть, зальт желес маряви могучай „ура Ворошилов ялгати!“, „Шумбра улеза Ворошилов ялгасы!“).

Военно-Морской Флотонъ Народнай Комиссаркс—Петр Александрович Смирновът. (Аплодисментт).

Тяжелай Промышленностень Народнай Комиссаркс—Лазарь Моисеевич Кагановичът. (Бурнай, ламос моли аплодисментт, вайгяльхть: „Шумбра улеза Каганович ялгасы!“, „Ура Каганович ялгати!“). Сембе стяхть).

Машиностроениянь Народнай Комиссаркс—Александр Давидович Брускинтъ. (Аплодисментт).

Обороннай Промышленностень Народнай Комиссаркс—Михаил Моисеевич Кагановичът. (Аплодисментт).

Пищевой Промышленностень Народнай Комиссаркс—Абрам Лазаревич Гилинскийт. (Аплодисментт).

Легкай Промышленностень Народнай Комиссаркс—Василий Иванович Шестаковът. (Аплодисментт).

Лесной Промышленностень Народнай Комиссаркс—Михаил Иванович Рыжовът. (Аплодисментт).

Путей Сообщениянь Народнай Комиссаркс—Алексей Венедиктович Бакулинът. (Аплодисментт).

Воднай Транспортонъ Народнай Комиссаркс—Николай Иванович Пахомовът. (Аплодисментт).

Связень Народнай Комиссаркс—Матвей Давидович Берманът. (Аплодисментт).

Земледелиянь Народнай Комиссаркс—Роберт Индрикович Эйхетъ. (Аплодисментт).

Совхозонъ Народнай Комиссаркс

—Тихон Александрович Юркинтъ. (Аплодисментт).

Заготовканъ Народнай Комиссаркс—Михаил Васильевич Поповът. (Аплодисментт).

Финансонъ Народнай Комиссаркс—Арсений Григорьевич Зверевът. (Аплодисментт).

Торговлянь Народнай Комиссаркс—Михаил Павлович Смирновът. (Аплодисментт).

Внешняй Торговлянь Народнай Комиссаркс—Евгений Делисович Чвялевът. (Аплодисментт).

Юстициянь Народнай Комиссаркс—Николай Михайлович Рычковът. (Аплодисментт).

Здравоохранениянь Народнай Комиссаркс—Михаил Федорович Болдыревът. (Аплодисментт).

Государственной Банкъ Правленияй Председателькс—Алексей Петрович Гричмановът. (Аплодисментт).

Высшай Школанъ Тевса Комитетти Председателькс—Сергей Васильевич Кафтановът. (Аплодисментт).

Искусстванъ Тевса Комитетти Председателькс—Алексей Иванович Назаровът. (Аплодисментт).

Ялгат, теень аш мезенди азонкшнемс наркоматонъ руководителхнень колга, конатнень лемсон тяса азыне. Тянь тяфтомоксинь лацсадасть.

Народнай Комиссаронь Советъ инголе, конанъ тинь кемокстасаст, ащи оцю работа, сави решандакшнемс нингя сяда сложнай задачат, чем конат улсть тяда инголе. Касы минь тевоньке, касыхть минь задачаньковок.

Теень савь ни корхтамс критический замечаниятнень колга, конатнень тиезь депутаттне башка наркоматтненди. Аш кода аф савомс мялсь, што наркоматтнень работасон инкса отвечай Совнаркомсь, а сяс должен улемс шарьхотьф, што наркоматтнень работасон колга критический замечаниятне тяшкава и сашондовихть и эстеенза Совнаркомти. Тийф замечаниятнень должны учеть сембе наркоматтне и Правительстваь марнек.

Наркоматтнень афсатыкссон критикасон Совнаркомсь примсесы и кармай примсест кода лезксонди и поддержканди сонъ работасонза. Тя критикать эзда минь должны тиёмс вывод—значит, Совнаркомсь должен нингя сяда пях и сяда лацкас лездомс сяда лафча наркоматтненди, вишконтемс эсь контроленц сонъ работасон мельгя, эсь пингстонза полафнемс тевти аф отвечай руководителхнень.

Руководителхне, конат ашихть государственнай оцю поста, не должны предаваться самоненияти али самодовольствати, эряви серьезнайста кулхонтокшнемс критикати, эряви совершенствоваться работаса. Самонениять, кона ащи сянъ эса: „мон вьре васца ашан и сяс мон сембонъ нйса и сембонъ содаса,“—минь должны осудить, кода политический близорукостень, кода прянь шнафтоманъ, кода бюрократизманъ.

Сяда цебарь ули, ялгат кла минь карматама мяляфтомост Сталин ялгати замечательнай валонзон, конатнень сон аф кунара азонень металлуркнень и горнякнень приемност:

„Улемс руководителъкс советский условия—значит улемс достойнай оцю честти и доверияти наротъ сельмя инголе... Руководителхне сашондохть и тушондохть, а народсь иляткшнни. Аньцек народсь бессмертен. Сембе илядысь—преходящай. Сяс эряви маштомс дорожить

наротъ довериянц мархта“. (Аплодисментт).

„Маштомс дорожить наротъ довериянц мархта“—тяфтама основной обязанностец Народнай Комиссаронь Советъ, тяфтама основной обязанностец государственнай эрь руководительть.

Верховнай Совету кочкаматне и тя пингть эзда коммунистонъ и беспартийнаенъ кеме блоксь паньхси од страница минь странаньконъ историсонза, (социализмать историсонза. Верховнай Советти, конанъ кочказе коммунистонъ и беспартийнаенъ победонь блоксь, минь должны азомс: минь, руководителхне—коммунисттне, конат содасазь, што минь работаньконъ сатфксонц кармай улема сяда оцю, ков сяда пях, ков сяда кемоста кармай йотафневома эряфс эрь шинъ и живой сотксоньке лама миллиотт беспартийнай трудящай массатнень мархта. (Аплодисментт).

Минцонок Советский Союза тиевсь тя пингс апак няеттть и конац аш лия страва, кося капитализмась сязенцы обществать классонъ класс,—трудящайхнень властисон победанц основаса минцонк тиевсь народът моральной и политический единствац, сяс што минь страдасонк маладсть и марс пуромсть кафта великай вийхть—народсь и коммунизмась. (Бурнай аплодисментт).

Сембось тя пути минь лангонц, руководителхнень лангс, оцю обязанностъ. Штоба шарьхкодемс ня обязанносттнень, минь должеттама мяляфтомс сянъ, мезе корхтась Сталин ялгасы Москуса Сталинский округъ избирателензон пуромксса Верховнай Совету депутатонъ кочкамда инголе. Сон корхтась:

„Избирательхне, народсь должетт вешемс эсь депутатсон эзда, штоба синь иляткшнелхть синьценъ задачасон высотас, штоба синь эсь работасост афольхть валгонда политический обывательхнень уровень, штоба синь иляткшнелхть Ленинский типса политический деятельхнень постсонды, штоба синь улелхть тяфтама жаяснай и опрделеннай деятелькс, кода Ленинъ (аплодисментт), штоба синь улелхть тяфтамажа бестрашнайкс бойса и народът врагонзонды беспощаднайкс, кодамкс улсь Ленинъ (аплодисментт), штоба синь улелхть всякай паниканъ эзда, тяфтама всякай паниканъ кондымъ эзда, мзярда тевсь ушоткшнни осложнятьс и горизонтса вырисовывается кодамовок опасность, штоба синь улелхть тяфтажа свободнайхть всякай паниканъ эзда, кодамкс улсь свободнай Ленинъ (аплодисментт), штоба синь улелхть тяфтажа мудрайкс и неторопливайкс, кодамкс улсь Ленинъ сложнай кизефкснень решандамста, кося эряви сембе

ширьдень ориентация и сембе плюснень и минуснень сембе ширьдень учетсна (аплодисментт), штоба синь улелхть тяфтажа правдивайкс и честнайкс. кодамкс улсь Ленинъ (аплодисментт), штоба синь тяфтажа кельголезь эсь народсон, кода кельгондесе сонъ Ленинъ (аплодисментт)“.

Сталин ялгасы корхтась сяда тов сянъ колга, што депутаттне „должетт кирьдемс эсь инголест великай Ленинтъ великай образонц и подражать Ленинтъ сембоса“. (Шумнай аплодисментт).

Сталин ялгасы предъявил ня оцю требованиятнень Верховнай Советъ депутатонзонды. Сядонга пях сембось тя относится Народнай Комиссархненди и Народнай Комиссаронь Советти в целом. Минь должеттама мяляфтомс сянъ, што Народнай Комиссаронь Советъ сонъ образовандамстонзакигя возглавлял Ленинъ, и должеттама стремиться сянди, штоба улемс достойнай ученикокс великай Ленинтъ, конац тись основат минь сембе тевоньконди. (Шумнай, ламос моли аплодисментт).

Минь хотим улемс минь учительконди и Советский Союзъ народонзон вождьсонды—великай Сталинтъ вернай помощниккс. Сембе эрвикс кизефкснень эса минь, Народнай Комиссаронь Советъ, обратимся советонкса и указаниянкса большевистский партиять Центральной Комитетонцты и, васендакигя Сталин ялгати. (Шумнай овация, сембе стяхть, залста вайгяльхть: „Шумбра улеза великай советский наротът вождец великай Сталинъ!“, „Вожди и учителя Сталин ялгати ура!“).

Тинь содасаст, ялгат, што тя и существас коря и формас коря ответствендай минь великай Конституциянконди. (Аплодисментт).

Минь йоратама улемс достойнайкс минь социалистический народнай парламентоньконди—Верховнай Советти, йоратама улемс достойнайкс наротти, конац эсь трудовой усилиязон, самоотверженностенц и творческий энтузиазманц вельде, сембе и всякай препятствиятнень каршос молезь, строяй коммунистический общества. (Шумнай аплодисментт).

Заклученияса азса Сталин ялгати валонзон мархта: „Кда савомс минь, ЦК-нь члеттнень, правительстванъ члеттнень, то аш минь лия эряфоньке, чем эряфсь минь великай тевоньконъ инкса, чем эряфсь наротът всеобщай благосостояниянк инкса, сембе трудящайхненди, миллионнай массатненди радостъ инкса тюреманкса. (Бурнай, кувать моли аплодисментт, конат йотнихть овациянди. Сембе стяхшнихть. Сталин и Молотов ялгатненди братский республикатнень кяльса приветственный вайгяльхне и „ура“ вайгяльхне йотнихть залъ эзга).

Избирательхне радостнайста васьфтезь эсь депутатсон

Самок Москуста СССР-нь Верховнай Советът васенце Сессиясонза депутатъс Чепанов Николай Ивановичъ, оцю радостъ мархта сонъ васьфтезь избирателенца.

Сон азондозе Верховнай Советът васенце Сессиянц работанц.

—Верховнай Советът васенце Сессияц,—азозе Чепанов ялгасы,—сувай социалистический строительствать историзонза яркай страницакс. Сессиять заседаниянзон эса Сталин ялгати участия максесъ

тейнек, депутаттненди, од вийхть и бодрость. Сессиясь арасъ тейне большевистский воспитаниянь оцю школак, кося мон марса лия депутаттнень мархта тонадонъ работанъ сталинский стильти. Самок эсь избирательнень йоткс, мон удесетереннай энергияса кярмодян советский наротът наказонзон пяхкодемасонды.

Чепанов.

Темникованъ район.

ТЯФТА ЛИ ЭРЯВИ АНОКЛАМС ТУНДАНЬ ВИДЕМАТИ

Сарга велень „Якстерь знамя“ колхозсь тячимс ашезень ушод тундань видемати анокламань работатненъ.

Вельхоззяйственной инвентарьсь-милуке, инзаматне, видема машинатне нингя апак ремонтировандакт. Рядовой видьмотне сортовой видьме лангс апак полафтт, апак сортировандакт. Сянь вастс, штоба по-большевистски анокламс тундань видемати, колхозной правлениянь члёттне эрь шиня симондихть винада.

Минь надиятама, што колхозонь председателсь Чалдаев И. Я. кадсы пьянкатъ и курокста кярмоди работама.

Колхозник.

Вертелимонь район.

51 тракторхненъ эзда ремонтировандаф аньцен 14

Вертелимонь МТС-сь кальдявста аноклай тундань видемати.

МТС-са 51 тракторхт, конатненъ эзда январь 18-це шинцты ремонтста лиссь аньцен 14 тракторхт и нятка ремонтировандафт кальдявста, сяс мес МТС-са аш кодамовок запаснай частть и кивок аф заботендай, штоба ня запаснай часттне улелхть ба МТС-са. Тяда башка рабочей силась апак организовандак, рабочейхне аф лисендихть работама.

Козловсь, конац временна работаф директорть вастс, аф максси рабочейхненди работань условият.

Маластонь пинкть МТС-нь парторганизацияти эряви ладямс тундань видемати анокламань по-большевистски.

Зоркий.

Мзярда машфтеазь безобразиятненъ

Теризморга велеса, Буденнай ялгать лемса колхозса пяк кальдявста ладяф трудошинь учетсь. 1937-це кизоня лама колхозниконь трудошисна юмасть. Пяк кальдявста учетсь ладяф Суминть бригадаса. Сонь бригадасонза декабрьковть 1937-це кизоня фкявок колхозниконь трудоши, трудовой книшказост апак сьорматт.

Тяда башка Суминць и конюхне колхозникненди кудонь тевсон тиёмс макссихть алашат вина лангс. Конюхне алашатненъ лангс кодамовок мяль аф шарфнихть.

Сембе нят безобразиятненъ колхозонь правлениясь содасыне, но кодамовок мерат тячимс ашезь прима.

П. Я.

Шайговань р-н.

Журавлевсь сязендсь тундань видемати анокламань

„Нива“ колхозсь (Алексеевский вельсовет) тячимс нингя ашезь ушод тундань видемати анокламань. Сянь вастс, штоба большевистски руководить колхозть мархта, штоба лихтемс колхозть передовой ряттненди тундань видемати анокламаса, колхозонь председателсь ушодсь пьянствовандама. Журавлевть пьянкац сюнеда, колхозсь нингя афи кярмодсь тундань видемати анокламань работати. Тячимс апак оборудовандак инвентарьсь, апак сортировандакт видьмотне.

Минь надиятама, што Чамзинкань РайЗО-сь варжаксты таниень руководствать работанц ширес и ладясы работать.

Колхозник.

ОД СПЕЦИАЛИСТТНЕНЪ ЙОТКСА АФ ВЯТЕВИ РАБОТА

Январь 7-це шистонза 1938-це кизоня ВЛКСМ-нь ЦК-са од стахановцонь совещанияса Косарев ялгась од специалисттненъ колга корхтась:

„Афправильна минь использовандакшнесаськ од специалисттненъ, кадондсаськ синь эсьтеест, а вдь синь мархтост тожа эряви работамс. Аш меств кяшендемс сельмотьненъ сянди, што синь йоткост кой-конатне могут аердомс общественно-политический эряфть эзда, повомс обывательшинать влияниян алу. Од специалисттненъ эрявихть привлекать работати и тьяка йоткова синь эрявихть воспитандакшнемс. Тяконь шовор ВЛКСМ-нь комитеттне лафчста работайхть од специалисттненъ мархта, тьяконь лувксса и комсомолецненъ мархтовок, кой-кона комсомольский работникне пелихть од специалисттненъ эзда“.

Прокс тяфта аши тевсь Саранск ошонь проектной мастерскойса. Тя производстваса работайхть инженерхт, техникт. Арьселеть, што нят ломаттне вятихть оцю работа афсоюзной од ломаттненъ йотксовок. Но лисенди аф тяфта. Проектнай мастерскойса тевсь катф эсь отям молемати. Политшколась аф работай, производственной заданиятненъ пашкодемаснон мельгя учет аф вятви и стак тов. Тянди результатокс арси ся, што сембе производстваса аш фкявок стахановец и ударник. Стахановецт ко-нешна улихть, но синь работаснон мяльгя аф вятви кодамовок учет. Сявомс кепотьксонди од техникненъ-комсомолецненъ Будаевать и Просинть. Нят ломаттненъ основной зарплатасна 250—300 цалковой, а синь получахшихть эрь ковня 500—600 цалковой. Сатытя примерскя, штоба няфтемс нят комсомолецненъ трудти честнай и добросовестнай отношенияснон и производственной норматненъ вельф пашкодемаснон. Тя-кепотькссь яржайста няфнесы, што проектной мастерскоень беспечнай руководителхне аф касфтсазь стахановцонь ряттненъ.

Пяк оцюда виноват комсомольский организацияське; сон аф вяти кодамовок работа од специалисттненъ йоткса, аердсь од специалисттненъ эзда.

Сяда тов конешна, тяфта работамс аш кода. Эряви нингя веств проверямс проектной мастерской работниконзон. Эряви очистить ся аф эрявикс ломаттненъ эзда, конада, кода няфнесы мастерскойть исключительно кальдяв работац, тоса нингя лама. Эрявихть заинтересовать общественнай, политической эряфть эса од специалисттненъ и марса кярмодемс работама по-настоящему, по-большевистски.

Щеглов.

Саранск ош.

Комсомольский организациясь аф работай

Сарга велень „Якстерь знамя“ колхозонь комсомольский первичнай организацияса лувондови 12 комсомолецт, но синь велеса кодамовок работа аф вятихть.

Комсомолецне йофси юкстазь массово-разъяснительнай работать од ломаттненъ йоткса: фкявок од колхозник аф аноклави Ленинский комсомолонь ряттненди сувамат.

Комсомолецне аф примосихть участия колхозса тундань видемати анокламань тевса, конац таниень пинкть теест арси фкя пяк оцю задачкас, конанди эряволь сембе

комсомолецненди кярмодемс кемоста.

Тя лисенди сяс, мес комсоркссь Пьянзинць кальдявста вяти руководства комсомольский организацияса. Таниень пинкть ашезь йотафтов фкявок комсомольский пуромкс. Сон аф заботендай сян колга, штоба касфтомс комсомолецненъ политический знанияснон, аф йотафневихть политзанятият.

ВЛКСМ-нь Вертелимонь райкомти эряви кошардомс Пьянзинть работама, станя, кода эряви работамс настоящей комсомолецти.

Чалдаев.

Кухарьть вреднай планоц

Народонь вракне и синь пособниксна фалу старандайхть всякай методса тиёмс вред минь производстваньконь эса, но кой-кона политически беспечнай ломаттне эсь сокоршиснон сюнеда ня вредительский действиятненъ новлясась пилеснон вакска.

Кда ванцаськ кода аши тевсь противопожарнай мероприятиятне Ковылкинский 27-це № госмелинница эса, тьяс няхтияма лама аф кирьдемшка возмутительнай фактт. Охранань начальниксь Кухарьсь спланировал, штоба мельничать ваксс тиёмс шуфтонь будка и тьян мархта сон йорась „ладямс“ тевть. Тя выдумкать Кухарьсь спланировал станя, што будкать путфтозе турбинать вальманзон каршос и тя шуфтонь куднять мархта мельничать йоткс кадсь аньцен фкя метра. Тяда башка тя будкать путфтозе

мушкса и потолкозонза каннефць коське пульхть, а галанка эзонза марафть сырцовой кирпичень. Кухарьть ня доморощенной выдумканзон сюнеда декабрьковть 29-це шистонза 1937 кизоня тя будка лиссь пожар, но благодаря сянди, што погодась ульсь цебарь и ламоц охранщикне кенерсть эсь пинкстост и пожарсь ульсь матф. Неужели Кухарьсь аф содасы, што противопожарнай инструкцияса косонга апак аст, штоба тяфтама предприятиятненъ ваксс тиендемс шуфтонь стройкат, особенно турбинать ваксс, коса аши лама горячай и смазочнай материал.

Ковылкинский РОМ-ти и 27-це № госмелинница директоронцты Юров ялгати эряви ваномс кие тя тяфтамсь Кухарьсь и тяфтама вредительский планировкац инкса таргамс строгой ответс. А. И.

АФ ЗАБОТЕНДАЙХТЬ ПИОНЕРХНЕНЪ КОЛГА

Анаева велеса ули пионеронь куд, но сон аф использовандакшневи кода ваймама и культурнайста досугонь йотафтома васта пионерхненди.

Пионеронь кудсь аф ушневи, аш эсонза эрявикс гигиенань условият, кальдяв сонь и внешний офор-

мленияцка.

Сембе тя лисенди Кочетковть, пионеронь кудть заведующаенц кальдяв работанц сюнеда.

Ларионов Г. И.

Имба-читальнясь работай цебарьста

Имба-читальняса лац ладяф культурно-массовой работась. Избачсь Дьяков ялгась велень партийнай и комсомольский организациятненъ и учительхненъ леккснон вельде читальняса тиенди докладт, лекцият и беседат. Читальняса улихть шахматт, шашкат. Беседа али лекцияда меле налхкондыхть шахматса и шашкаса.

Стахановец.

Рузаевкань РОНО-ть мяльс

Сузгарьгонь афполнай средней школаса учительхне учебнай предметта башка ученикненъ йоткса аф вятихть воспитательнай работа, юкстазь коммунистический воспитания, аф организовандакшнесазь школьникненъ досугснон культурнайста йотафтоманц. Тя безответственности результатокс арась ся, што школьникненъ йоткса козонга аф ярашты дисциплинась. Синь аф культурнайста обрашаються фкя-фкянь мархта. Тянди способствують учительхне. Бояркин учительсь школьникненъ обзывает афцензурнай валсасянь вастс, штоба служамс кепотьксоск семьянь члёттненди, культурнай эряфса, школьникне куду каннихть аф культурнай навьит: школьникненъ колмоцекс пялькссна таргайхть.

7-це классонь ученикс Амбаев Бориссь ялганзон мархта сиводсь посиделкань куд, коса культурнай развлеченият вастс од ломаттне симондихть винада, хулиганендайхть, сюецкшихть пахабнай, афцензурнай валса и стак тов.

Ня фактненъ колга ульсь пачффт куля ВЛКСМ-нь Рузаевкань райкомти, но сон кодамовок мерат ашезь прима. Наблюдатель.

Кодама основанияса Булычевсь иляткшни апак наказандак

Аф веств „Комсомолонь вайгяль“ газетать лопаширеса ульсь сьорматф Ковылкинань вельпоць ингольденъ председателенц Булычевть вредительский действиязон колга, но Ковылкинань судебносудственной оргаттне тячимс ашезь тарга Булычевть судебнай ответственностс. Видимо, аф шорай нингя веств лятфтамс Ковылкинань прокурорти Булычевть вредительский действиязон колга. Булычевсь карххьясь 30 тьожатть цалковой ярмак, имеет 40.000 дебиторский задолжность, апак лотксек симонькшнесь и стак тов., мезенкса сон паньф партияста, и валхтф работаи а максф судс. Но сян вастс, штоба судендамс, путозь сонь работама райвнуторгонь инспекторкс, коса станя жавятысь эсь прянц аф честнайста.

Седов.

ПЕТЬКС

Минь газетаньконь 5-це номерсонза 3-це лопаширесонза „Кальдявста анокласть тьялонь каникулатненди“ заметкать 3-це абзацсонза авторть сюнеда нолдаф эльбияткс.

Тоса сьорматф: „Школань директорсь Дорофеевсь спортивентаренди нолдаф ярмакненъ симондезень“. Эряви лувомс тяфта: „Школань директорсь Беляковсь спортивентаренди нолдаф ярмакненъ симондезень“. Редакциясь.

Ответ. редакторсь
П. ЕЖОВ.